

A Ang Kaalam sa Dios

- ❖ Didto sa Atenas, gigamit ni Pablo ang kaalam sa tawo aron sulayan nga madani ang mga maalamon. Apan sukad niadto, iyang gihukman nga magsalig na lamang sa langitnong kaalam.
- ❖ Ang Dios mismo maoy nagsugo kaniya sa pagwali sa iyang mensahe “dili pinaagi sa maalamong mga pulong sa tawo, aron ang gahum sa krus ni Cristo dili mawad-an sa bili” (1 Corinto 1:17).
- ❖ Unsa ang langitnong kaalam nga giwali ni Pablo?
- ❖ Supak sa tanang tawhanong lohika, ang kaalam sa Dios makita sa pagluwas sa mga motuo pinaagi sa giisip sa kalibotan nga kabuungan sa pagwali (1 Corinto 1:21.).

B Ang Giisip nga Kabuang sa Krus

- ❖ Ang Gregong pulong nga mōria (nagpasabot og kabuang, binuang, o pagkabuang) gigamit lima ka beses sa 1 Corinto: 1:18; 1:21; 1:23; 2:14; ug 3:19.
- ❖ Ang krus giisip nga kabuungan sa mga nagakalaglag; sa mga wala makaila sa Dios (mga Gentil); sa mga nagpuyo sumala lamang sa unodnong panghunahuna (natural nga tawo); ug sa mga nagsalig lamang sa ilang kaugalingong kaalam.
- ❖ Apan ang krus usa ka panalangin alang sa mga naluwas—alang sa mga andam motan-aw sa krus sumala sa panan-aw sa Dios, dili sa panan-aw sa kalibota.

C Ang Gahum sa Dios

- ❖ Ang krus adunay gahum sa pagpadayag sa pinakadautan sa tawo ug sa pinakamaayo sa Dios (1 Corinto 1:18).
 - Ang pinakadautan sa tawo: kabuungan, pagsalikway, paglaglag sa kaugalingon, ug kalaglagan.
 - Ang pinakamaayo sa Dios: gahum, pagdawat, pagpasaylo, ug kaluwasan.
- ❖ Ang mga mosalikway sa krus moani sa mga sangpotanan sa ilang sayop nga mga binuhatan, ug sa katapusan malaglag pinaagi sa Mao usab nga ilang gisalikway.
- ❖ Ang gahum sa Dios, nga gipadayag diha sa krus ni Cristo, makahimo sa pagpasig-uli sa tawo ngadto sa Dios pinaagi sa pagpasaylo sa tanan niyang mga sala ug paghatag kaniya sa kinabuhing dayon (Colosas 1:20; 1 Pedro 2:24.).

D Ang Mensahe sa Krus

- ❖ Ngano nga ang pagwali sa mensahe sa krus giisip nga kabuungan? (1 Corinto 1:21–24)
- ❖ Ang mga Judio nagpaabot sa usa ka Mesiyas nga magluwas kanila gikan sa pagdumala sa Roma. Busa, sa dihang gipahibalo ni Jesus nga Siya ilansang sa krus, bisan ang iyang mga tinun-an nahadlok ug nasubo. Dugang pa, alang sa mga Judio, ang usa ka tawo nga gibitay sa kahoy giisip nga tinunglo sa Dios (Deuteronomio 21:23). Alang usab sa mga Gentil, nga wala man gani nagpaabot og Manunubos, mao gihapon ang ilang paghukom: ang krus usa ka kabuungan.
- ❖ Apan alang sa mga anghel, lahi kaayo ang ilang panan-aw. Si Jesus, nga ilang nailhan didto sa langit, boluntaryong mitugot nga mamatay tungod sa gugma alang sa katawhan nga misalikway Kaniya. Mao kini ang panan-aw nga gustong ipaabot ni Pablo pinaagi sa iyang pagwali.
- ❖ Ang mensahe sa krus nagpakita kung unsa kalawom ang gugma sa Dios ug kung hangtod asa Siya andam moadto aron mahatag ang kaluwasan alang kanato..

E Ang Giisip nga Kabuang ug Kahuyang sa Dios

- ❖ Tinuod ba nga ang Dios adunay kabuungan o kahuyang? (1 Corinto 1:25)
- ❖ Dili gayud. Ang Dios walay bisan unsang kakulangan o pagkadili-hingpit. Ang gisulti ni Pablo usa lamang ka hulagway nga pagtandi. Nagpasabot siya nga kon adunay bisan unsa nga giisip sa tawo nga “kabuungan” sa Dios, mas labaw pa kini sa pinakataas nga kaalam sa tawo; ug kon adunay giisip nga “kahuyang” sa Dios, mas kusgan pa kini kay sa pinakadakong kusog sa tawo.
- ❖ Ang tanang kaalam nga natigom sa labing maalamong mga tawo dili gayod makahimo sa paghimo ug plano sa kaluwasan alang sa katawhan.
- ❖ Ang Dios lamang ang nakahimo sa paghatag sa katubsan, pinaagi sa gahum sa halad ni Jesus didto sa krus—alang “sa mga nangaluwas” (1 Corinto 1:18), “sa mga motuo” (1 Corinto 1:21), ug “sa mga gitawag” (1 Corinto 1:24).
- ❖ Timan-i: Ang mga motuo lamang kang Jesus ug motubag sa pagtawag sa Balaang Espiritu maoy maluwas..
- ❖